

八

注妙法蓮華經第十二

注妙法蓮華經卷第十二

柯山金谿棲雲沙門釋

守倫述

釋見寶塔品自分二
初申品目次釋經文



洛東禪林
教寺藏本

妙法蓮華經見寶塔品第十一

梵言塔婆
或偷婆此

翻方墳或靈廟支提等謂無骨身者也此塔既有全

西

山

地

藏

身不散則不稱支提也阿含明四支徵知謂生處暨得道轉法輪入涅槃四處起塔也今此寶塔是先佛入滅之支徵也故經云佛三種身從此經生諸佛於此而坐道場諸佛於此而轉法輪諸佛於此而般涅槃祇此法華是三世諸佛之四支徵耳故先佛已居今佛並坐當佛亦然塔之涌現蓋顯茲四事也四衆皆觀故云見寶塔品。次釋經文自分二初長行次偈頌初又三初明多寶涌現次明分身遠集三明釋迦唱募初又六初塔現相次諸天供養三多寶稱歎四時衆驚疑五大樂說問六如來答

爾時佛前有七寶塔高五百由旬縱廣

二百五十由旬從地涌出住在空中種

種寶物而莊校之五千欄楯龕室千萬

禪

院

常

住

無數幢旛以爲嚴飾垂寶瓔珞寶鈴萬
億而懸其上四面皆出多摩羅跋栴檀
之香充徧世界其諸旛蓋以金銀瑠璃
碑磔碼碯真珠玫瑰七寶合成高至四

天王宮

七寶爲塔者明法身地以性德七覺七聖
之財寶耳塔者實相之境法身所依之處
也高五百由旬者是二万里豎明因中万行果上万
德也廣二百五十由旬者即是一万里橫用万善莊
嚴也地者無明心地也以無所破破於心地以無所
住住第一義空也種種寶物者衆多定慧而莊校也
欄楯者總持之龕室也千万者是無量慈悲之室亦
是無量空舍也幢旛者神通勝相也垂寶瓔珞者是

不

四十地功德上用莊嚴法身下被羣生者也寶鈴萬億者謂八音四辯也四面出香者四諦道風吹四德香也高至四天王宮者窮四諦理也然今文但約表對法門就理而釋之若欲窮諸事相者上文備之矣

釋云

以為平呼訓作嚴

飾。次諸天供養

可

三十三天雨天曼陀羅華供養寶塔餘

出

諸天龍夜叉乾闥婆阿脩羅迦樓羅緊

那羅摩睺羅伽人非人等千萬億眾以

一切華香瓔珞旛蓋伎樂供養寶塔恭

敬尊重讚歎

三十三天總名忉利蓋欲界第二天也居須彌山頂依地而住亦名

他

所

地居天耳須彌高廣之相暨天花四色龍鬼八部等者皆如上釋矣約理釋者三心暨十地等覺妙覺等者三十三同依實相境也兩天曼陀羅者初心亦具四十二地功德後心亦爾以四十地所有因花皆趣法身者也餘諸天龍者即是內外凡等亦依實相向果行因者也。○三多寶稱歎

者

爾時寶塔中出大音聲歎言善哉善哉

也

釋迦牟尼世尊能以平等大慧教菩薩

法佛所護念妙法華經為大眾說如是

如是釋迦牟尼世尊如所說者皆是真

實

此多寶稱歎者證前開權顯實不虛也平等大慧者即是諸佛智慧如前行步平正之義耳然

平等有二一者法等即中道理也二者衆生等謂一切衆生同得佛慧者也太者如前高廣義也若約觀心釋者空觀豎等假觀橫等中觀橫豎雙照即是平等大慧也如是如是者一如法相是一如根性是也既如法相而說故言皆是真實者也

經云爲訓與

大衆說○四時衆驚疑自分二初得法喜次疑怪

爾時四衆見大寶塔住在空中又聞塔

中所出音聲皆得法喜怪未曾有從座

而起恭敬合掌却住一面

觀未曾有故驚疑也聞法適意

故歡喜耳將顯無窮之遠本故現高廣之塔婆其四衆心眼既驚則二尊敷化有憑矣○五大樂說問文自分三初問何因有此塔二問何故塔從地出三問何故發是音聲

爾時有菩薩摩訶薩名大樂說知一切
世間天人阿脩羅等心之所疑而白佛
言世尊以何因緣有此寶塔從地涌出
又於其中發是音聲

此一文中有三問初從有菩薩止寶塔者是初問

也從地涌出即第二問又於其中發是音聲即第三問問意俱可見○六如來答自分三初答第二問次追答第一問三答第三問

爾時佛告大樂說菩薩此寶塔中有如
來全身乃往過去東方無量千萬億阿

僧祇世界國名寶淨彼中有佛號曰多
寶其佛行菩薩道時作大誓願若我成
佛滅度之後於十方國土有說法華經
處我之塔廟為聽是經故涌現其前為

作證明讚言善哉

先答第二問此佛有願為
證是經故所以從地涌出

耳
經云
為聽是經故為作證明兩為
字並去呼俱訓以○次追答第一問

彼佛成道已臨滅度時於天人大眾中
告諸比丘我滅度後欲供養我全身者

應起一大塔

追答第一問謂由彼佛臨滅付囑四眾命令造塔耳。三答第三問

其佛以神通願力十方世界在在處處若有說法華經者彼之寶塔皆涌出其前全身在於塔中讚言善哉善哉大樂

說今多寶如來塔聞說法華經故從地

涌出讚言善哉善哉

多寶以因中誓願果上神通爲作證明故發是

音聲耳已上總明多寶涌現畢。次分身遠集文自分七初樂說請見多寶次應呼集分身三樂說請集四放光遠召五諸佛同來六嚴淨國界七與欲開塔

是時大樂說菩薩以如來神力故白佛
言世尊我等願欲見此佛身佛告大樂
說菩薩摩訶薩是多寶佛有深重願若
我寶塔爲聽法華經故出於諸佛前時
其有欲以我身示四衆者彼佛分身諸
佛在於十方世界說法盡還集一處然
後我身乃出現耳大樂說我分身諸佛
在於十方世界說法者今應當集大樂

說白佛言世尊我等亦願欲見世尊分

身諸佛禮拜供養

此文三段初即樂說請見多寶也次從佛告大樂說

去即是應集分身也三從樂說白佛去即請集也以如來神力者然欲開塔須集分身分身既集即應付囑以付囑故須召下方下方既出即應開近顯遠也此是大事之因由非佛神力其孰能致之

經云

為呼

法華十二

王

訓以聽法華經故
○四放光遠召

爾時佛放白毫一光即見東方五百萬

億那由他恒河沙等國土諸佛彼諸國

土皆以玻璃為地寶樹寶衣以為莊嚴

無數千萬億菩薩充滿其中徧張寶幔
寶網羅上彼國諸佛以大妙音而說諸
法及見無量千萬億菩薩徧滿諸國爲
衆說法南西北方四維上下白毫相光

所照之處亦復如是

此即放光遠召也所以
白毫光照東方者蓋東

是方之首故先照之耳以次四維上下十方俱照光
所被處依正莊嚴等無有異
經云玻璃爲地以爲莊
嚴二爲字並平呼俱訓作爲
去呼訓與衆說法○五諸佛同來

爾時十方諸佛各告衆菩薩言善男子

我今應往娑婆世界釋迦牟尼佛所并

供養多寶如來寶塔

既十方佛各告諸菩薩言我今應呼往娑婆其

同來之義明矣。○六嚴淨國界文自分三初

變娑婆次變二百那由他三變三百那由他

時娑婆世界即變清淨瑠璃為地寶樹

莊嚴黃金為繩以界八道無諸聚落村

營城邑大海江河山川林藪燒大寶香

曼陀羅華徧布其地以寶網幔羅覆其

上懸諸寶鈴唯留此會眾移諸天人置

於他土是時諸佛各將一大菩薩以爲
侍者至娑婆世界各到寶樹下一一寶
樹高五百由旬枝葉華果次第莊嚴諸
寶樹下皆有師子之座高五由旬亦以

大寶而校飾之爾時諸佛各於此座結
跏趺坐如是展轉徧滿三千大千世界
而於釋迦牟尼佛一方所分之身猶故

未盡

初變娑婆者娑婆梵語也正云索訶即釋迦
統王呼之一境爾其間有百億日月所照名

大千界也翻名釋義如上經云山川林藪蘇釋名云澤中無水曰藪一一寶樹高五百由旬者諸文有云或踰旬或由延或踰閻那正云踰繕那此云應量謂計度其量應如此也亦如此間驛程之類耳所以五百弓爲一俱盧舍八俱盧舍爲一踰繕那即四十里也又智論中明有三品上八十中六十下四十今諸經多約四十里也琉璃爲地黃金爲繩以爲侍者三爲字並平呼俱訓作○次變二百那由他

時釋迦牟尼佛欲容受所分身諸佛故
八方各更變二百萬億那由他國皆令
清淨無有地獄餓鬼畜生及阿脩羅又
移諸天人置於他土所化之國亦以瑠

璃爲地寶樹莊嚴樹高五百由旬枝葉
華果次第嚴飾樹下皆有寶師子座高
五由旬種種諸寶以爲莊校亦無大海
江河及目真鄰陀山摩訶目真鄰陀山

鐵圍山大鐵圍山須彌山等諸山王通
爲一佛國土寶地平正寶交露幔徧覆

其上懸諸幡蓋燒大寶香諸天寶華徧

布其地

次變二百那由他者那由或云那術或那
由多一百洛叉爲俱胝二俱胝爲一阿庾

多二阿庾多爲那由他此當萬億數也今云二百万
億那由他者則其增廣浩渺殆非凡情所能會計也
諸佛境界甚深若此正當仰信信力冥符則開廓性
海其爲功利豈淺也哉經云目真鄰陀此云石山也
摩訶云大也山王者此如華嚴中雪山香山等十山
王也寶交露幔者謂以衆寶交錯而爲帳也旣依空
陳設上無遮蔽故云露耳文中有三爲
字音訓準上。三變二百万億那由他。

釋迦牟尼佛爲諸佛當來坐故復於八
方各更變二百万億那由他國皆令清
淨無有地獄餓鬼畜生及阿脩羅又移
諸天人置於他土所化之國亦以瑠璃

爲地寶樹莊嚴樹高五百由旬枝葉華
果次第莊嚴樹下皆有寶師子座高五
由旬亦以大寶而校飾之亦無大海江
河及目真鄰陀山摩訶目真鄰陀山鐵
圍山大鐵圍山須彌山等諸山王通爲
一佛國土寶地平正寶交露幔徧覆其
上懸諸旛蓋燒大寶香諸天寶華徧布
其地爾時東方釋迦牟尼所分之身百

千萬億那由他恒河沙等國土中諸佛
各各說法來集於此如是次第十方諸
佛皆悉來集坐於八方爾時一一方四
百萬億那由他國土諸佛如來徧滿其

中

此三變土淨者以放光遠召分身來集故須變
穢爲淨爾何則以諸分身本居淨土故也故疏
云放光遠召三變土淨者此正由三昧三昧有三初
變娑婆是背捨能變穢爲淨次變二百那由他是勝
處轉變自在後變二百那由他是一切處於境無礙
又初一變淨者表淨除四住也次一變者表淨除塵
沙也後一變淨者表淨除無明也今詳考斯文驗知
初是就同居變穢爲淨也次變同居爲方便三變方

便爲實報固無疑矣何則文中自云變穢爲淨則同居明矣次云勝處方便明矣其次云於境無礙則實報明矣所以仍將三惑敵對三變故其義愈明矣所以緣合時會機感相投佛力冥加依正相攝因果互融故致爾耳次文云八背捨者一內有色相外觀色乃至滅受想是名八背捨也一內有色相外觀色少若好若醜乃至白勝處此名八勝處也青黃赤白地水火風空識等此名十一切處也然世間所有諸法此十種收盡故名一切處也所謂普也徧也一切之言何所不該今明三變土而及此者良以欲明大聖威神諸佛境界身通自在小大相容依正互攝所以於一毛端現寶王刹坐微塵裏轉大法輪能擲大千置于他方無去來相能促一劫以爲一日能延一日以爲一劫能以大海澍一毛竅不撓龜魚如是神變推本其源至若法身大士妙覺果人修因之時莫不皆從背捨勝處諸禪定門觀煉熏修自淺之深而得

之也。今之所明，正謂因該果海，果徹因源，故得依正互融。因果交徹者也。今者欲顯如來劫塵壽量，故須先現變化神通事，不孤起由緣，乃興此其謂矣。經云爲去呼訓以呼諸佛當來坐，故餘二爲字同上。已上明嚴淨國界畢。○次與欲開塔文，自分五初。諸佛問訊說欲次釋迦開塔三四衆同，皆見聞四二佛分座而坐。五四衆請加。

是時諸佛各在寶樹下坐，師子座皆遣侍者問訊釋迦牟尼佛，各齎寶華滿掬而告之。言善男子，汝往詣耆闍崛山釋迦牟尼佛所，如我辭曰：少病少惱，氣力

安樂及菩薩聲聞衆悉安隱不以此寶

華散佛供養而作是言彼某甲佛與欲

開此寶塔諸佛遣使亦復如是

諸佛與欲同開塔者

此如管中作法與欲意同也大集亦明若干佛與欲
說華嚴亦說十方若干佛同說華嚴大品亦云千佛

同說般若皆不云是釋迦分身準今經意應是分身
彼帶方便故時中不顯說耳今經非但數多亦直說
是分身成來與欲也此其與欲之爲義耳與者同共
也欲者願樂也故欲以希須爲義也蓋分身畢集更
無異意咸願開塔見佛
聞法耳○次釋迦開塔

爾時釋迦牟尼佛見所分身佛悉已來

集各各坐於師子之座皆聞諸佛與欲
同開寶塔即從座起住虛空中一切四
眾起立合掌一心觀佛於是釋迦牟尼
佛以右指開七寶塔戶出大音聲如却

關鑰開大城門

此開塔見佛者蓋有所表也
則開塔即開權也見佛即顯實

也亦是證前復將開後耳如卻關鑰
藥音者卻者除也表障除機動謂法身大士破惑顯理增道損生者也

○三四眾
皆同見聞

即時一切眾會皆見多寶如來於寶塔

中坐師子座全身不散如入禪定又聞
 其言善哉善哉釋迦牟尼佛快說是法
 華經我為聽是經故而來至此爾時四
 眾等見過去無量千萬億劫滅度佛說

如是言歎未曾有以天寶華聚散多寶

佛及釋迦牟尼佛上

四眾俱同見聞者謂見多寶全身仍聞彼佛讚

釋迦善說法華也經云我為去呼聽是經故以天寶華聚者聚謂堆積也由積故散散字屬下句也。四

二佛分座而坐

爾時多寶佛於寶塔中分半座與釋迦牟尼佛而作是言釋迦牟尼佛可就此座即時釋迦牟尼佛入其塔中坐其半座結跏趺坐

文顯可見○
五四衆請加

爾時大衆見二如來在七寶塔中師子座上結跏趺坐各作是念佛坐高遠惟願如來以神通力令我等輩俱處虛空即時釋迦牟尼佛以神通力接諸大衆

皆在虛空

四眾同志請佛威加如來大慈即可其請接諸大眾俱處吐虛空已上總

明分身遠集畢。三釋迦唱募自分三初大聲唱募二明付囑時至三明付囑有在

以大音聲普告四眾誰能於此娑婆國
土廣說妙法華經今正是時如來不久

當入涅槃佛欲以此妙法華經付囑有

在

文有三段初則如來募覓流通也如來不久當入涅槃者即付囑時至也然大事將畢則機薪

既盡應火亦止矣若佛在世隨機利物自說此法不待他人今化緣將盡欲令此法利益無窮故須付囑流通也付囑有在者此有二意一者近今有在謂付八万二万舊住菩薩此土弘宣二者遠今有在謂付

本門弟子下方千界微塵數量令觸處流通又發起
壽量者也已上總明長行畢○次偈頌自分三初頌
多寶滅度二頌分身
佛集三頌釋迦付囑

爾時世尊欲重宣此義而說偈言

聖主世尊雖久滅度在寶塔中尚為法來

諸人云何不勤為法此佛滅度無央數劫

處處聽法以難遇故彼佛本願我滅度後

在在所往常為聽法

此三行頌多寶滅度於
中有二意前二行蓋是

寄高訓下也勉旃誠勗見在未來之機謂多寶尚爾
況餘人乎後一行政明多寶以願故來匡贊助化者

也經文有三爲字並去呼前一訓以次訓向三訓助
梵語阿僧祇此云無央數所謂無量無數之劫也○
二頌分
身佛集

又我分身 無量諸佛 如恒沙等 來欲聽法
及見滅度 多寶如來 各捨妙土 及弟子衆
天人龍神 諸供養事 今法久住 故來至此
爲坐諸佛 以神通力 移無量衆 令國清淨
諸佛各各 詣寶樹下 如清淨池 蓮華莊嚴
其寶樹下 諸師子座 佛坐其上 光明嚴飾

如夜闇中 然大炬火 身出妙香 徧十方國

衆生蒙熏 喜不自勝 譬如大風 吹小樹枝

以是方便 令法久住

此八行半頌分身集也為訓以坐諸佛一行頌嚴淨

國界也自餘通頌諸佛各捨妙土眷屬弟子勝妙五塵為欲流通廣被末劫作將來眼故云令法久住也

又說佛光明身香徧十方界羣機熏襲神情暢適其樂無涯故云喜不自勝音升得未曾有聞見異常心之怡悅不自勝任者也經云衆生蒙熏蓋言染襲耳或用薰者非香名出大秦國○三頌釋迦付囑文自分二初舉三佛以勸流通次舉難持之法以勸流通初文又三初募覓其人二舉三佛以勸持經三釋勸意

生諸大衆 我滅度後 誰能護持 讀說斯經

今於佛前自說誓言其多寶佛雖久滅度
以大誓願而師子吼多寶如來及與我身
所集化佛當知此意諸佛子等誰能護法
當發大願令得久住其有能護此經法者

則爲供養我及多寶此多寶佛處於寶塔
常遊十方爲是經故亦復供養諸來化佛
莊嚴光飾諸世界者若說此經則爲見我
多寶如來及諸化佛

此八行半有三段初一行
半即是募覓其人令自誓

流通此經也次從其多寶下三行正舉三佛勸持經也三從其有能護去四行釋勸持意耳經云自說誓言者良以自制其心名之曰誓若諸菩薩憐愍有情其欲流通此經遐資末世必須大誓莊嚴約心不退所以如來令彼自發誓言其在茲矣經云則爲供養則爲見我兩爲字並平呼俱訓是爲去呼是經故○二舉難持之法勸流通自分二初正舉勸次釋勸意初又三初誠勸次正舉難持以勸流通三釋難持意

諸善男子 各諦思惟 此爲難事 宜發大願

諸餘經典 數如恒沙 雖說此等 未足爲難

若接須彌 擲置他方 無數佛土 亦未爲難

若以足指 動大千界 遠擲他國 亦未爲難

若立有頂 爲衆演說 無量餘經 亦未爲難
若佛滅後 於惡世中 能說此經 是則爲難
假使有人 手把虛空 而以遊行 亦未爲難
於我滅後 若自書持 若使人書 是則爲難
若以大地 置足甲上 升於梵天 亦未爲難
佛滅度後 於惡世中 暫讀此經 是則爲難
假使劫燒 擔負乾草 入中不燒 亦未爲難
我滅度後 若持此經 爲一人說 是則爲難

若持八萬四千法藏十二部經爲人演說
令諸聽者得六神通雖能如是亦未爲難
於我滅後聽受此經問其義趣是則爲難
若人說法今千萬億無量無數恒沙衆生
得阿羅漢具六神通雖有是益亦未爲難
於我滅後若能奉持如斯經典是則爲難

此十八行初一行誠勸也各諦思惟即誠也宜發大
願乃釋勸意耳諦謂詳審忖量也宜謂當運深心戮
力躬行廣宣流布令不斷絕也自餘一十七行乃是
再舉難持以勉流通也然其所舉譬喻皆是絕世難

能之事以喻出世無上最尊之法也意令羣機驚心
駭聽起難遭想各各運懷刻志弘傳者也至若所勸
之者不出受持讀誦解說書寫五種法師耳經云具
六神通者謂天眼天耳他心宿命身如意漏盡等六
也然有報得修得之異者也至若報得者獲神通已
方能變化也其修得者謂先修變化方得神通瓔珞
經云神名天心通明慧性天然之慧徹照無礙故名
神通耳修天眼通者於深禪定發得色界四大清淨
造色住眼根中即能見其六道衆生死此生彼及見
一切世間種種形色是名天眼通也天耳通者能聞
六道衆生語言及聞世間種種音聲者也知他心通
者謂發得他心智能知六道衆生心及數法種種所
緣念慮者也宿命通者謂發宿命智能知過去一世
二世乃至百千萬世及八万大劫宿命所行之事也
亦能知六趣衆生宿命及所行之事者五身如意
通者謂發得身通通有二種一者飛行速到山川不

能障礙二者能轉變自身及以他身并世間所有隨
心自在者也漏盡通者謂發得真智三漏永盡者也
三漏謂欲色無色三界之漏也此之六通一一準初
天眼中說皆因修禪定中發明也然此一段經文通
有十九爲字爲衆演說爲一人說爲人演說此三並
用去呼訓與自餘一十六字皆用平呼俱訓名也假
使劫燒去呼入中不燒平呼劫燒者近取世間野
燒爲喻其勢猛熾遽難撲滅者也○三釋難持意

我爲佛道於無量土從始至今廣說諸經
而於其中此經第一若有能持則持佛身

此二行釋難持意者文云若有能持則持佛身其功
利殊勝從可知矣我爲平呼佛道者此遠指如來本
地得道初成之時也自彼之始迄至于今於無量國
歷微塵劫雖廣說諸經而此經爲最已上總明正舉

勸畢○次釋勸意文自分三初重募持經人二明能持難持則諸佛歡喜三明能持難持即成勝行

諸善男子於我滅後誰能受持讀誦此經

今於佛前自說誓言

此一行半重募持經人也竊惟如來大慈曲折募覓

以至于再皆為濟度羣生同登彼岸豈有他哉故經云假使頂戴經塵劫身為牀座徧三千若不傳法度

注法十二

十五

衆生畢竟無能報恩者普告四衆信樂有志之流彼彼互勸各各宣傳酬佛深恩廣度羣品愚之願也○
二明能持難持諸佛歡喜

此經難持若暫持者我則歡喜諸佛亦然

如是之人諸佛所歎

此一行半明能持難持諸佛歡喜者如云諸佛出於

世懸遠值遇難政使出於世說是法復難能聽是法者斯人亦復難譬如優曇華一切皆愛樂天人所希有時時乃一出然則此經是生靈之大本諸佛之眼目羣經之王秘密之藏有暫持者釋尊歡喜諸佛稱嘉其故何哉譬猶世子能承所業則物產殷繁家道昌熾父豈不喜如云我若得子委付財物坦然快樂無復憂慮即其事也諸佛所以稱歎者以無緣大慈本昔誓願其志一均也○三明能持難持即成勝行

是則勇猛 是則精進 是名持戒 行頭陀者

則為疾得 無上佛道 能於來世 讀持此經

是真佛子 住淳善地 佛滅度後 能解其義

是諸天人 世間之眼 於恐畏世 能須臾說

一切天人皆應供養

此四行半明能持難持成其勝業者然既有信教之

心遵行此道利將兼人其功勝矣文中亦蘊六度之義是則勇猛者檀也精進者毗梨也持戒尸也頭陀禪也住淳善者忍也能解_其其義者般若也是真佛子即大心衆生也此經云爲求菩薩者說應六波羅蜜法者即其事也能於來世者方今之時也以佛世爲現世爾於今叔世能弘此經則自然成就六度勝行者也普賢觀云其有衆生晝夜六時禮十方佛誦大乘經思第一義甚深空法一彈指頃除卻百万億阿僧祇劫生死之罪行此行者是真佛子從諸佛生十方諸佛及諸菩薩爲其和尚是名具足菩薩戒者不須錫磨自然成就應受一切人天供養者也於恐畏世者何謂也天竺名沙特_音又經論正云颺_音陀此蓋賢劫之異名耳能須臾說者毗曇論明一刹那爲一念百二十刹那爲一恒刹那此名一瞬六十瞬

爲一息一息名一羅婆三十羅婆名一摩睺羅摩睺
羅此翻須臾三十須臾爲一晝夜一晝夜中計有六
百三十八萬刹那佛言劫波是長時刹那是短時其
爲短也譬猶二壯士斷一髮毛頃故得名也佛言刹
那造罪殃墜無間可不警悟收心正念無令放逸者
也又僧祇律云二十念爲一瞬二十瞬爲一彈指二
十彈指名一羅豫二十羅豫名一須臾以三十須臾
爲一晝夜耳 **經云**則爲 平呼訓名疾得已上總釋見寶塔

品畢。次釋提婆達多品文
自分二初申品目次釋經文

妙法蓮華經提婆達多品第十二

疏引寶唱
經目云羅

什法師於僞秦弘始間在草堂寺譯此經二十八品
命僧叡講之叡開爲九轍當時此品以長安宮人請
在宮中淹留在內江東傳者止得二十七品梁有滿
法師講經百遍於長安燒身供養仍以此品安持品

之前彼自私安未聞天下陳有南嶽禪師以此品入
寶塔之後續以正法華勘之宛如符契故知二師深
得經意矣提婆達多者亦云達覺此翻天熱以其破
僧出佛身血教闍王縱醉象踐佛拳華色尼死置毒
才爪中呼去傷於佛其既行逆所以生時人天心熱從
是爲名也此約迹義若約本者以衆生煩惱故菩薩
示熱同其病行也淨名云衆生病故我亦病斯之謂
矣此品引古佛弘經得益證明宣化事跡不虛舉往
勸今使流通也○次釋經文分二初明昔日達多通
經釋迦成道二明今日文殊通經龍女成佛初又三
初明往昔師弟持經之相二結會古今三勸信初又
二初長行次偈頌初文又四初明求法時節二正明
求法三求得法
師四受法奉行

爾時佛告諸菩薩及天人四衆吾於過

去無量劫中求法華經無有懈倦

此明時節

耳○二正明求法自分
二初明發願次明修行

於多劫中常作國王發願求於無上菩

提心不迴轉

此明發願也○次明修行自分二
初明欲滿檀那勤行布施次明為

滿般若推
為求妙法

為欲滿足六波羅蜜勤行布施心無悞

惜象馬七珍國城妻子奴婢僕從頭目

髓腦身肉手足不惜軀命

為訓以呼欲滿足
六波羅蜜者然

菩薩之道願行相扶既發大願必須修行且六波羅蜜者即是菩薩正行呼去之本也故上文云爲求菩薩者說應六波羅蜜斯其謂也勤行布施即是檀那此翻布施者也若內有信心外有福田中有財物三者和合而運捨心能破慳貪是名檀也然施有二種一財二法財施者謂飲食衣服田宅六畜奴婢珍寶一切己之所有資身之具及以妻子乃至身命皆屬財施者也故云捨身猶屬財施隨有須者悉能施與皆名檀也法施者若從諸佛及善知識聞說世出世間善法若從經論中自以觀行力而能諦了以清淨心爲人演說皆名法施耳若菩薩以質直心行此二種者皆名檀也波羅蜜者梵語也然諸經論所譯不同今略約三種一云事究竟二名到彼岸三曰度無極謂菩薩修此六法能究竟成就通別二種因果一切自行化他之事故云事究竟也乘此六法能從二種生死此岸到二種涅槃彼岸故名到彼岸又因此六

法能度通別二種事理諸法之曠遠故云度無極也
菩薩於檀中能具修五種心者是時布施名波羅蜜
何等爲五一知施實相二起慈悲心三發願四回向
五具足方便知施實相者謂能施所受中間財物三
者皆空也起大悲心者須知布施三法俱空名實相
施而常運慈悲心欲因此施拔一切苦與一切樂也
發願者冀因此施得成無上佛果不求人天二乘果
報者也回向者於所施時回此功德向薩婆若海普
及一切羣生也具足方便者能於布施一法旋呼轉
通達一切佛法徧修諸行者也菩薩若能運此五心
隨有皆施因中說果亦名事究竟到彼岸
而度無極也○二明爲滿般若推求妙法

時世人壽命無量爲於法故捐捨國
位委政太子擊鼓宣令四方求法誰能

爲我說大乘者吾當終身供給走使

云梵

般若此翻智慧也謂照了一切諸法皆不可得而能通達一切無礙者也然智慧有三種一聲聞二支佛三如來於聲聞中自有三種謂學及無學非學非無學等也乃至辟支佛智等此不繫引如來智慧者菩薩從初發心已來行六波羅蜜破魔軍衆及諸煩惱得一切智以成佛道乃至入無餘涅槃隨本願力從

是中間所有智慧總相別相一切盡知是名佛智若菩薩以質直清淨心修此三種智慧者是名般若波羅蜜仍於其中具五種心一者了智慧實相非境非智心無所得而能徧學三乘智慧及一切世間知見等餘者準上檀中說經云爲去呼於法故誰能爲呼去與我已上總明修行畢○三求得法師四受法奉行

時有仙人來白王言我有大乘名妙法

華經若不違我當爲宣說王聞仙言歡
喜踊躍即隨仙人供給所須采果汲水
捨薪設食乃至以身而爲牀座身心無
倦于時奉事經於千歲爲於法故精勤

給侍令無所乏

此文初明求得法師也次從王聞仙言下乃是受法奉行耳上

文旣云時世人民壽命無量此則如來往昔因中修菩薩行動經無量微塵劫數至若投身飼虎割肉濟鷹身爲橋梁肉充魚米四攝同事靡所不爲作雪山童子以半偈而棄捨全身爲世國君求妙法而執勞千歲輕生重法報德酬恩棄高世至貴之榮任下士極賤之職自非均高下齊聖凡一賢愚泯彼此其孰

能至於此哉故今道成滿覺彌歷劫塵復露始因難
行之行將欲規誘後進觀茲異跡拊臆捫心彼先聖
尚爾我何人哉見賢思齊良有以也 **經云**當為去呼
宣說為訓以呼於法故擊鼓宣令呼去已上總明長行畢
○次偈頌文自分五初頌求法時節二頌正求
法三頌得說法師四頌受法奉行五結正勸信

爾時世尊欲重宣此義而說偈言

我念過去劫 為求大法故 雖作世國王

不貪五欲樂 椎鐘告四方 誰有大法者

若為我解說 身當為奴僕 時有阿私仙

來白於大王 我有微妙法 世間所希有

若能修行者 吾當為汝說 時王聞仙言

心生大喜悅 即便隨仙人 供給於所須

采薪及果蔬 隨時恭敬與 情存妙法故

身心無懈倦 普為諸眾生 勤求於大法

亦不為己身 及以五欲樂 故為大國王

勤求獲此法 遂致得成佛 今故為汝說

此頌七行半有五意初二句頌求法時節次從雖作
世國王下一行半頌正求法三從時有阿私仙下一
行半頌得說法師四從時王聞仙言下兩行半頌受
法奉行五從亦不為己身下一行半結證勸信雖作

世國王不貪五欲樂者不爲色聲香味觸五塵愛境之所籠絡也竊惟我佛棄榮絕俗降尊從卑所以昔之梁武前後三度捨身入寺日常一食於六齋日敕天下禁殺自講涅槃大弘三寶而暮年爲逆臣所逼帝亦恬然無變遂集公侯於法雲殿誦摩訶般若顧其深信何以加焉豈意後世淺俗無知謗辭從生有輒議上聖者誠可嗟矣李唐虞世南祕監帝王略論云公子曰梁武夷凶剪暴克成帝業南面君臨五十餘載蓋有文武之道焉至於留心釋典桑門比行以万乘之君爲匹夫之善熏修無染危亡已及豈其道非耶何福謙之無效乎先生曰釋教者出世之津梁絕塵之軌躅運於方寸之內超於有無之表塵累旣盡攀緣已息然後入於解脫之門至若化俗之法則有布施持戒忍辱精進禪定智慧是爲六波羅蜜與夫仁義禮智信亦何異哉蓋以所修爲因其報爲果人有修此六行皆多不全有缺焉果亦隨滅是以

醜

紅子

明醜於貌而慧於心越臺高多才而下於位羅

襄富而不義原憲貧而有道其不同也如斯懸絕興
喪得失咸必由之下士庸夫見比干之剖心以謂忠
真不可爲也聞偃王之止國以謂仁義不足法也若
然者盜跖高枕於東陵莊驕懸車於西蜀考終厥命
良足貴乎公子曰人君修道與匹庶殊乎先生曰人
君者居尊高之地執生死之權勢疾風雲力摧山嶽
其盛德大矣其運行速矣夫修道宜以弘濟爲懷仁

恕爲體有一物失所若己之納於隍推此一言以及
万物則得道之真也若乃澤不及於行葦化不霑於
海外區區一介之善亦無取焉欽惟虞公可謂深明
因果移俗導世之格訓有疑於梁武者宜熟斯文庶
免謗聖也

經云

果菰艸者木生有核革于名果草生無

核曰菰

文中八爲字身當爲奴僕故爲大國王此

二字

訓平呼

爲求大法故亦不爲己身二字

訓去呼

若爲

我解說吾當爲汝說普爲諸衆生今故爲汝說此四

字並誦與已上總明往昔師弟持經之相畢○二結會古今自分二初正結會古今次明師弟功報俱滿

佛告諸比丘爾時王者則我身是時仙

人者今提婆達多是

此結會古今如文可見○次明師弟功報俱滿

文自分二初明弟子因報已滿次明法師妙果當成初文又三初明因滿次明果滿三結證由通經者益

由提婆達多善知識故令我具足六波

羅蜜慈悲喜捨

疏釋六度備歷四教廣引經論其文浩渺第恐初心難悉今依

法界次第撮其大槩以申之至若翻名暨檀那般若二度已如上釋今更略引餘之四度以陳之庶幾披閱者體法相之大綱也二尸波羅蜜此云好善謂好行善道不自放逸者也或受戒行呼善或不受戒行

善皆名尸羅者也略說有二種一者在家二者出家
在家尸羅者謂三歸五戒八戒是矣出家尸羅者謂
沙彌沙彌尼十戒式叉摩那尼六法戒也比丘比丘
尼具足戒乃至三千威儀八万律行至若菩薩十重
四十八輕則通在家出家此名共戒也若菩薩以質
直清淨心住此二種尸羅中兼能具五種心而修習
之而此尸羅名波羅蜜五者一知尸羅實相雖罪不
可得而好行善道不自放逸者也餘準上說三羣限士

提波羅蜜此云忍辱謂內心能忍外所辱境故以名
焉忍有二種一生忍二法忍於生忍中仍有二種一
於恭敬供養中能忍受心不生著不起憍逸也二於
瞋罵陵害中不生嫌恨怨惱故總名生忍也法忍亦
二種一者非心法謂寒熱風雨飢渴交煎老病死等
二者心法謂瞋恚憂愁疑悔姪欲驕慢諸邪見等菩
薩於此二法安然不動是名法忍餘義準說曰者毗
梨耶此云精進謂勤修善法不自放逸故得名也亦

有二種一身二心身者勤修善法行道禮誦講說勸
導開蒙革頑名身精進心者勤運善念心心相次令
不斷絕名心精進復次勤修施戒善法名身精進勤
修忍辱禪定智慧名心精進餘義準知五者禪波羅
蜜此云思惟修謂一切攝心繫念學諸三昧皆名思
惟修也此亦二種一卅間二出卅間卅禪者謂根本
四禪四無量心四無色定等此是凡夫所行禪也二
出卅禪仍有兩種一出卅禪二出卅上上禪出卅者
謂六妙門十六特勝通明九想八念十想八背捨八
勝處十一切處練禪十四變化願智頂禪無諍三昧
王三昧師子奮迅超越三昧乃至三明六通如是等
類皆名出卅禪亦名二乘共禪二出卅上上禪者謂
自性等九種大禪首楞嚴等百八三昧諸佛不動等
一百二十三昧皆名出卅上上禪亦名不共禪謂不
與凡夫二乘共也餘皆準上

經云具足六波羅蜜者
其義甚多如大論說捨依正名檀防七支名戒打罵

不報名忍爲事始終名精進四禪八定名禪分地息
諍名般若此就三藏明六度義又引月藏經就第二
義圓修六度其略云若行若坐捨攀緣想是檀捨攀
緣不犯是尸捨境界不生瘡痍是羸不捨離是精進
於事中不放逸是禪於諸法體性無生是般若等此
舉初後大槩而已○慈悲喜捨者即是四無量心耳
菩薩憐愍有情以此四心而濟度之此四通名無量
者從境得名也以所緣衆生境既無量能緣之心心
亦隨之一者慈無量心能與有情之樂者也若菩薩
於禪定中心念有情令得樂時心數法中生定名爲
慈定是心與慈相應無瞋恨怨惱善修悟解廣大無
邊滿十方界故名無量者也二悲無量者能拔有情
之苦也三喜無量者慶他得樂而生歡悅如已無異
者也四捨無量者以不二心緣諸有情忘彼我憎愛
者也此名因滿
畢○次明果圓

三十二相八十種好紫磨金色十力四

無所畏四攝法十八不共神通道力成

等正覺廣度衆生

三十二相者如來應化之身現此諸相以表法身圓

極衆德具備今見者愛敬知有勝德可崇所以爲天人中尊衆聖之王爾一足下安平如奩底二足下

千輻輪相三手足指長勝餘人四手足柔軟勝餘身

分呼去五手足指合縵莫網勝餘人六足跟音滿好七

足趺高好與跟相稱呼去八伊尼延鹿市羸充纖好九立

時乎摩膝十陰藏呼平如馬王十一身縱廣正等十二

一一毛孔青色柔軟十三毛向上青色右旋呼平十四

金色光明其相微妙十五身光面各一丈十六皮膚

細滑不受塵垢不停蚊蚋十七手足有項七處豐滿

十八兩腋音下滿十九身上如師子二十身端直二

十一肩圓好二十二四十齒具足二十三齒白齊密而根深二十四四牙最白而大二十五頰車如師子王二十六咽中津液得味中上味二十七舌大而薄覆救數面至髮際二十八梵音深遠如頻伽聲二十九眼色如金精三十眼睫接音如牛王三十一眉間毫相如兜羅綿三十二頂肉髻成○八十種好者在諸相間皆是色法同爲莊嚴佛身顯發奇妙但相總而好別也相若無好則不圓滿故輪王釋梵皆亦有之以

無好故相不微妙也大聖以慈修身感茲清淨奇妙相好也一無見頂相二鼻高孔不現三眉如初月紺暗古瑠璃色四耳輪輻相埒成五身堅實如那羅延六骨際如鈎鎖七身一時迴如象王八行時足離地四寸而印紋現九爪如赤銅色薄而細澤十膝骨堅著張豫圓好十一身清潔十二身柔軟十三身不曲十四指纖圓十五指紋藏覆十六岷音不現十七踝胡不現十八身圓十九身自持不透危於迨何徒二十身滿足

二十一威儀備足二十二容貌圓滿二十三住處安
然無能動者二十四威振一切二十五一切樂呼去觀
二十六面不長大二十七正容貌不撓色二十八面
圓滿足二十九脣如頻婆果三十言音深遠三十一
臍深圓好三十二毛右旋三十三手足滿三十四手
足如意三十五手紋明直三十六手紋長三十七手
紋不斷三十八一切惡心衆生見者和悅三十九面
廣姝朱昌好四十面如淨滿月四十一隨衆生意和悅

與語四十二毛孔出香氣四十三口出無上香四十
四儀容如師子四十五進止如象王四十六行法如
鵝王四十七頭如摩陀那果四十八一切聲分呼去具
足四十九四牙白利五十舌色赤五十一舌薄五十
二毛紅色五十三毛軟淨五十四眼廣長五十五孔
門具足五十六手足赤白如蓮華色五十七臍不出
五十八腹不現五十九腹細六十身不傾動六十一
身持重六十二其身大六十三其身長六十四手足

軟淨滑澤六十五身光四圍各一丈六十六光照身而行六十七等視衆生六十八不輕衆生六十九隨衆生音聲不增不減七十說法不著直七十一隨衆生語言而說法七十二發音報衆聲七十三次第有因緣說法七十四一切衆生不能盡觀相七十五觀者無厭足七十六髮長好七十七髮不亂七十八髮旋呼好七十九髮如青珠八十手足有德相又坐禪三昧經云曾有德字手足有吉字有經云曾有卍字

推此相好者皆由因修六度万行而爲本也紫磨呼去者金之最良者也○十力者一是處非處力佛知一切羣生因緣果報定相如華酬果必得不失故云善不失善報爲惡自招殃即其事也二業力佛知一切有情三世所造業因也三定力佛知一切諸禪解脫三昧垢淨分別等相也四根力佛知有情諸根利鈍上中下等也五欲力佛知有情種種樂欲不同六性力佛知世間種種性如實徧知也七至處道力佛知

一切道之所趣也。宿命力佛知種種宿命共相因緣。一世二世乃至百千萬劫。我在彼中姓名飲食苦樂。升沈壽命脩短。皆悉徧知也。九天眼力。佛天眼清淨。過於人眼。見諸有情。生時死時。上下好醜。生善處惡處。皆悉知之。十漏盡力。佛諸漏已盡。無漏智慧。皆悉解脫。是十種力。如來皆悉徧知。無能壞。無能勝者也。○四無所畏者。以如來十力之智。內充決定明了。故外緣初無恐懼也。此四通稱無畏者。以於八衆之

中。廣說自他智斷決定無失。故無纖微恐怖之相也。一者一切智無所畏。佛自誠言。我是一切正智人。若沙門婆羅門。若天魔梵及餘衆等。如實言是法。不知乃至不見者。是微有畏相。以是義故。我得安隱如牛。王善哮吼如師子。王故名無畏。二者漏盡無所畏。佛自誠言。我一切漏已盡。三說障道無所畏。佛自誠言。我說障法能障道果也。四說盡苦道無所畏。佛自誠言。我說聖道能出世間。依而行之。能盡諸苦。說此四

義皆悉決定無能過者故云無所畏也。○四攝者大士善巧接引之要術也。隨羣情之嗜好故以此而誘之。致彼向往如水就下物既親附爾乃化之。如云先以欲鉤牽後令入佛道者其斯謂也。一者布施攝謂以財法二施隨彼堪任皆給與之其既蒙恩則生親附。二愛語攝善言誘喻安慰啓迪使彼有情心生愛樂。三利行攝菩薩隨起身口意行能令一切各霑其利也。四同事攝觀根設化隨其樂欲分形散影和光隨塵同彼事業爾先同後異革彼業因使進道果者也。○十八不共法者此是諸佛極地之法不與凡夫二乘諸大菩薩共有故得名也。一者身無失如來無量劫來以戒定慧慈悲熏修其身功德滿足煩惱永盡所有身業隨智慧行故無失也。二口無失者義與身同三念無失佛四念處長時善修諸深禪定心不散亂四無異想佛等觀有情住一子地如雨均霑如日普照五無不定心如云那伽常在定無有不定時

六無不知已捨佛於一切法悉皆炤知窮理盡性爾
乃方捨七欲無滅佛知善法恩故雖具足衆善而欲
心不休故云如來不棄穿針之福譬彼輪王寶馬雖
於一日歷四天下意猶未滿八精進無滅佛身心二
種精進皆已滿足而度生攝物之心未常休止九念
無滅佛於三世諸佛智慧相應故也十慧無滅佛得
一切智慧十力四無畏四無礙智成就圓極者也十
一解脫無滅此有二種一有爲謂無漏智慧相應解

脫也二無爲謂一切煩惱永盡無餘者也十二解脫
知見無滅佛於一切解脫中知見了了分明所謂有
爲無爲不思議無礙等諸解脫道分別堅固靡所不
知也十三一切身業隨智慧行佛先知已然後起一
切行故隨處現身無非利物也十四一切口業隨智
慧行十五一切意業隨智慧行此二種準身業說十
六智慧知過去無礙佛智照知盡過去際所有一切
情與無情皆悉洞了十七智慧知未來世無礙佛智

炤知未來世及未來際若有情暨無情皆悉無礙十
八智慧知現在世無礙義同準上說然此三十二相
十八不共等諸經盛談雖皆法相顧彼初機欲曉無
從今文正臨所以引而申之為好樂三俱者增廣見
聞無以繫苻見嫌幸也
○三結證由通經者益

皆因提婆達多善知識故

文顯可解此總
明弟子因報已

滿畢○次明法師妙果當成文自分三
初正明果成次明化度三明滅後利益

告諸四眾提婆達多却後過無量劫當

得成佛號曰天王如來應供正徧知明

行足善逝世間解無上士調御丈夫天

人師佛世尊世界名天道時天王佛住
世二十中劫廣爲衆生說於妙法恒河
沙衆生得阿羅漢果無量衆生發緣覺
心恒河沙衆生發無上道心得無生忍
至不退轉時天王佛般涅槃後正法住
世二十中劫全身舍利起七寶塔高六
十由旬縱廣四十由旬諸天人民悉以
雜華秣香燒香塗香衣服瓔珞幢旛寶

蓋伎樂歌頌禮拜供養七寶妙塔無量

衆生得阿羅漢果無量衆生悟辟支佛

不可思議衆生發菩提心至不退轉

此明法師

妙果當成也文有三意初正明果成次從時天王佛住世下明化度也三從時天王佛般涅槃下明滅後

利益耳芬陀利經云調達作佛號提和羅耶漢言天

王國名提和越漢言天道經云廣為訓與衆生縱容

廣呼去四十由

旬○三勸信

佛告諸比丘未來世中若有善男子善

女又聞妙法華經提婆達多品淨心信

敬不生疑惑者不墮地獄餓鬼畜生生

十方佛前所生之處常聞此經若生人

天中受勝妙樂若在佛前蓮華化生

蓮華

化生者胎經云蓮華生者非胎外溼化之化生非化而言化耳實不如四生之中化生也請觀音云蓮華

化生爲父母無量壽云處

上

華臺久者爲胎生實非

胎生也例蓮華生亦稱外而非溼外

議曰

蓮華化生

非胎外溼化之化者良以淨業圓成仍依願力託識蓮包既非無明業妄爲因又非父母貪愛爲緣遂寄蓮胎而有此質義如化生也非同四生中化者以彼化生雖不由胎外亦是業妄交感彼以自業爲因順世五行爲緣自空無中而有形質此業力變化者也故與蓮華化生其理天遠處

上

華臺爲胎生者此望

上品即獲見佛初無逗遛今既經久義如胎生耳既無世間胎獄之苦故云非也例蓮華生亦稱溼如而非等者此以華既依水義如溼也其華經劫舍而未敷義如芴也彼處呼上華內樂勝天宮顧其優劣日劫相倍豈得同耶又大寶積云菩薩成就八法於諸佛前蓮華化生一者乃至夫命不說他過二者化人令歸三寶三者安置一切於菩提心四者梵行不染五者造佛形像安華座上六者能除衆生憂惱七者於貢高人常自謙下八者不惱他人已上總明昔日達多通經釋迦成道畢○次明今日文殊通經龍女成佛文自分二初明文殊通經二明利益初又五初明智積請退二釋尊止之三文殊尋來四智積問所化幾何五

文殊荅

於時下方多寶世尊所從菩薩名曰智

積白多寶佛當還本土

芬陀利經云下方多寶佛所從呼去菩薩名

般若拘羅此云智積○次釋尊止之

釋迦牟尼佛告智積曰善男子且待須臾此有菩薩名文殊師利可與相見論

說妙法可還本土

世尊止之者令待證通經之益也智積意謂多寶為證經

故所以出現激勸誘物流通既畢故須請還也釋尊止者迹化雖畢本門未彰故託文殊以留多寶然佛之密意非菩薩所能知也○三文殊尋來四智積問所化幾何

爾時文殊師利坐千葉蓮華大如車輪

俱來菩薩亦坐寶蓮華從於大海娑竭
羅龍宮自然涌出住虛空中詣靈鷲山
從蓮華下至於佛所頭面敬禮二世尊
足修敬已畢往智積所共相慰問却坐

一面智積菩薩問文殊師利仁往龍宮

所化衆生其數幾何

此文兩段初即文殊尋
來尋來者繼便之謂也

千葉蓮者大論云華有三品人間者數十葉天華百
葉菩薩千葉娑竭者亦云娑伽此云鹹海龍依此住
從海得名耳卻坐者卻即退也次從智積問下問所
化幾何也○五文殊答文自分七初答利益甚衆二

蒙益者集證三皆是文殊所化四本聲聞人先稟權
教五今聞實教悉住大乘六文殊結益七智積偈讚

文殊師利言其數無量不可稱計非口
所宣非心所測且待須臾自當證知所
言未竟無數菩薩坐寶蓮華從海涌出
諸靈鷲山住在虛空此諸菩薩皆是文
殊師利之所化度具菩薩行皆共論說
六波羅蜜本聲聞人在虛空中說聲聞
行今皆修行大乘空義文殊師利謂智

積曰於海教化其事如是爾時智積菩

薩以偈讚曰

大智德勇健

化度無量眾

今此諸大會

及我皆已見

演暢實相義

開闡一乘法

廣導諸眾生

今速成菩提

此文殊答文有七科初答利益

甚眾二從所言未竟下蒙益者集證也三此諸菩薩下文殊化度也四本聲聞人下先稟權教也五今皆修行大

乘空義者即今聞實教悉住大乘也六文殊謂智積

下結益也七爾時下智積偈讚耳本聲聞人先稟權

教住二乘道者芬陀利經云蓮華從海出者若本發

菩提心其華在空中說摩訶衍事本發聲聞心者華

在空中但說斷生死事已上總明通經畢○次明利

益文自份九初明文殊自敘二智積問三文殊答四
智積執別教爲疑五龍女明圓釋疑六身子挾三藏
權難七龍女以一實除疑八時衆
聞見得益九智積身子默然信伏

文殊師利言我於海中唯常宣說妙法
華經智積問文殊師利言此經甚深微
妙諸經中寶世所希有頗有衆生勤加
精進修行此經速得佛不文殊師利言
有娑竭羅龍王女年始八歲智慧利根
善知衆生諸根行業得陀羅尼諸佛所

說甚深秘藏悉能受持深入禪定了達
諸法於刹那頃發菩提心得不退轉辯
才無礙慈念衆生猶如赤子功德具足
心念口演微妙廣大慈悲仁讓志意和
雅能至菩提智積菩薩言我見釋迦如
來於無量劫難行苦行積功累德求菩
提道未曾止息觀三千大千世界乃至
無有如芥子許非是菩薩捨身命處爲

衆生故然後乃得成菩提道不信此女

於須臾頃便成正覺

文有四段初明文殊自敘也二智積下問也三

文殊言下答也四智積菩薩言下執別教權為疑耳

經云為訓以呼衆生故○五龍女明圓釋疑文自分二

初經家敘現

申敬二偈頌

言論未訖時龍王女忽現於前頭面禮

敬却住一面以偈讚曰

即慶喜尊者結集敘當時事也然偈有二種謂

重頌孤起今頌即孤起耳謂孤然特起也○偈頌文自分三初明持經得解次明成就二身三引佛為證

深達罪福相

徧照於十方

微妙淨法身

具相三十二以八十種好用莊嚴法身
天人所戴仰龍神咸恭敬一切衆生類
無不宗奉者又聞成菩提唯佛當證知
我闡大乘教度脫苦衆生

此頌三行半爲
三意初半行明

持經得解次從微妙下二行明成就二身三從又聞
下一行引佛爲證深達者謂了無罪福罪福本空入
一實相也十方即十法界也同以實慧朗之故言徧
照也具相三十二者深得法身之理即備相好也如
小品所明欲得一切法當學般若如得摩尼珠也二
乘但得空空無相好也然引小品者以彼經平等大
慧即今經一實相理名異義同故引而爲證欲得一
切法者謂權巧應用相好等也今顯達實相平等大

慧之體即依能起用具三十二相也一乘即證偏空
空不具法故無相用者矣既達理本則無施不可故
譬獲如意珠隨人願欲雨寶穰穰者也○六身子
挾三藏權難文自分二初總標難信次釋出五礙

時舍利弗語龍女言汝謂不久得無上
道是事難信所以者何女身垢穢非是

法器云何能得無上菩提佛道懸曠經
無量劫勤苦積行具修諸度然後乃成

此標釋如文顯然可見從時舍利弗語龍女言止是
事難信者即標也自所以者何下即釋出難信意耳

○次釋
出五礙

又女人身猶有五障一者不得作梵天

王二者帝釋三者魔王四者轉輪聖王

五者佛身云何女身速得成佛

五礙即五障女身由

此致有留礙障難者也梵王即初禪天主也釋稱梵王道謂玉帝其實一人兩號各從教門耳彼宗所譚

止瘖

呼去

九天九

天九

天以外

了無所聞也

蓋以彼天有語

言覺觀

呼去

能施

呼平

號令

呼去

所以諸佛說法則梵王前

導天帝後隨者也帝釋即忉利天王住善見宮統王

呼去三十二天者也魔王即無想天主或別有所化徒

黨為彼眾所君者也淨名云有力大魔皆地住菩薩

證不思議解脫法門示邪顯正匡持佛運者也輪王

有四不能槩舉且以金輪能王呼去四天下者為號耳

佛身則分果具該也○七龍女以一實除疑文自分

二初獻珠表得圓解
胡次正示因圓果滿

爾時龍女有一寶珠價直三千大千世
界持以上佛佛即受之龍女謂智積菩
薩尊者舍利弗言我獻寶珠世尊納受

是事疾不荅言甚疾女言以汝神力觀

我成佛復速於此

此文一段科云龍女現成明證亦云以一實除疑然

二義相由其理一均獻珠表證得圓解胡界圓珠表其

修得圓因奉佛是將因證果佛受疾者表獲果速也

此即一念坐道場成佛不

虛也。次正示因圓果滿

當時衆會皆見龍女忽然之間變成男子具菩薩行即往南方無垢世界坐寶蓮華成等正覺三十二相八十種好普爲十方一切衆生演說妙法

胎經云魔梵釋女皆不捨

身不受身悉於現身得成佛故偈云法性如大海不說有是非凡夫賢聖人平等無高下唯在心垢淨取證如反掌

經云

普爲

訓與

十方

○八時衆

聞見得益自分二初明見聞次人天歡喜

爾時娑婆世界菩薩聲聞天龍八部人與非人皆遙見彼龍女成佛普爲時會

受

聞見既資於目擊信敬即獲於除疑喜兼天人益均彼此者矣已上總釋達多品畢○次釋持

品自分二初申

品目次釋經文

妙法蓮華經持品第十三

二万菩薩奉命弘經故名持品

重評勸八十万億那由他弘經故名勸持品問何故爾答二万是法師品初別命之數故奉旨受持八十

万億那由他等前無別命祇是通覓今佛眼觀令其發誓此土通經然通經證驗深重佛意懇勸所以蒙勸而弘故有二意者焉○次釋經文自分二初明受持次明勸持初文又三初二万菩薩奉命此土持經次五百八千聲聞發誓他國流通三諸尼請記

爾時藥王菩薩摩訶薩及大樂說菩薩

摩訶薩與二萬菩薩眷屬俱皆於佛前
作是誓言惟願世尊不以爲慮我等於
佛滅後當奉持讀誦說此經典後惡世
衆生善根轉少多增上慢貪利供養增
不善根遠離解脫雖難可教化我等當
起大忍力讀誦此經持說書寫種種供

養不惜身命

此明二萬菩薩奉命此土持經者
所以對佛發深重願起大忍力竭

誠弘傳刻志流通者蓋以惡世法弱魔強自恃矜高
障他勝業自非被忍辱鎧踞法空牀則何以處吐之

當思先聖捨全身而求半偈可也故涅槃經云過去
之世佛日未出我於爾時為婆羅門修菩薩行周徧
求索大乘經典住雪山中思惟坐禪時釋提桓因心
大驚怪要當往試即變其身作羅刹像去彼不遠其
聲清雅宣過去佛所說半偈諸行無常是生滅法開
是半偈心生歡喜即從座起四向顧望向所開法誰
之所說乃見羅刹向前而言善哉大士汝於何處得
是過法離怖畏者所說半偈即便荅言如我今者不

食之來已經多日心亂寢

魚

語耳尋便告言汝所食

者為是何物荅言我所食者人之暖肉熱血也汝但
具足說是半偈我當以身奉施於汝復告之曰誰當
信汝為八字故而捨全身荅如我說者天當為證彼
既說已爾時童子尋便勇往樹木崑巒在在處處以
皮為筆以血抵墨廣宣流布既而復到其前從高樹
枝舉身投地爾時天雨寶華從空而下地搖六動空
聲讚言如汝今者是真修行菩薩行者用是天樂鳴

空咸共讚歎觀未曾有羅刹即時復形天帝矣○次五百八千聲聞發誓他國流通

爾時衆中五百阿羅漢得受記者白佛
言世尊我等亦自誓願於異國土廣說
此經復有學無學八千人得受記者從

座而起合掌向佛作是誓言世尊我等

亦當於他國土廣說此經所以者何是

娑婆國中人多弊惡懷增上慢功德淺

薄瞋濁諂曲心不實故

問此諸聲聞已成大士何故不能此土弘

經荅爲引初心始行呼去菩薩未能惡世苦行通經仍欲開於安樂行也○三諸尼請記文自分四初摩訶波闍波提請記二耶輸陀羅請記三諸尼領解四諸尼發願初又二初請次記

爾時佛姨母摩訶波闍波提比丘尼與學無學比丘尼六千人俱從座而起一

心合掌瞻仰尊顏目不暫捨

姨母者本行集云天臂城

中有長者名曰善覺彼有八女時淨飯王昆季四人各納二女以爲其妃而淨飯二妃即摩耶暨愛道也摩耶既誕太子纔七日已即便命殄生忉利天愛道是姨故云姨母耳○次記

於時世尊告憍曇彌何故憂色而視如

來汝心將無謂我不說汝名授阿耨多
羅三藐三菩提記耶憍曇彌我先總說
一切聲聞皆已授記今汝欲知記者將
來之世當於六萬八千億諸佛法中爲
大法師及六千學無學比丘尼俱爲法
師汝如是漸漸具菩薩道當得作佛號
一切衆生喜見如來應供正徧知明行
足善逝世閒解無上士調御丈夫天人

師佛世尊憍曇彌是一切衆生喜見佛

及六千菩薩轉次授記得阿耨多羅三

藐三菩提

經云我先呼總說文中有二爲字並平呼俱訓作○二耶輸陀羅比丘尼

請記文自分

二初請次記

爾時羅睺羅母耶輸陀羅比丘尼作是

念世尊於授記中獨不說我名佛告耶

輸陀羅汝於來世百千萬億諸佛法中

修菩薩行爲大法師漸具佛道於善國

中當得作佛號具足千萬光相如來應
供正徧知明行足善逝世閒解無上士
調御丈夫天人師佛世尊佛壽無量阿
僧祇劫

此文兩段初則名請次佛告下與記
經云為平呼大法師。三諸尼領解

爾時摩訶波闍波提比丘尼及耶輸陀
羅比丘尼并其眷屬皆大歡喜得未曾
有即於佛前而說偈言

世尊導師安隱天人我等聞記心安具足

○四諸
尼發願

諸比丘尼說是偈已白佛言世尊我等

亦能於他方國廣宣此經

已上總明授持畢
○次明勸持文自

分二初長行次偈頌初又五初佛眼視次菩薩請告云佛默然四菩薩知意五發願通經

爾時世尊視八十萬億那由他諸菩薩

摩訶薩是諸菩薩皆是阿惟越致轉不

退法輪得諸陀羅尼即從座起至於佛

前一心合掌而作是念若世尊告勅我

等持說此經者當如佛教廣宣斯法復
作是念佛今默然不見告勅我當云何
時諸菩薩敬順佛意并欲自滿本願便
於佛前作師子吼而發誓言世尊我等
於如來滅後周旋往反十方世界能令
衆生書寫此經受持讀誦解說其義如
法修行正憶念皆是佛之威力惟願世
尊在於他方遙見守護

此有五意初佛眼視
次從是諸下菩薩請

告三復作下佛默然四時諸下菩薩知意五便於下
發誓通經然眼視默勸而不告言者向來雖不別命
而舉持經功德深厚引證分明多寶分身遠來勸發
此之懇懃事儀已足有欲應呼去命宜即發誓無煩復
言又將護聲聞他方之願故不稱揚也經云周旋呼平
往反。次偈頌分四初總論時節以明著衣初披忍
衣弘經次別明所忍之境
三明著衣意四總結請知

即時諸菩薩俱同發聲而說偈言

偈有二
十行請

護持經初十七行明被忍衣弘經次第二行明入室
弘經第三一行明坐座弘經第四一行總結初文又
三初一行總論時節以明著衣次有諸下九行別明
所忍之境三我等下七行明著衣意初如文次所忍
之境又三初一行通明聖人次一行明道
門增上慢者第三七行明僭聖增上慢者

惟願不為慮

於佛滅度後

恐怖惡世中

我等當廣說

此一行總明時節。次別明所忍之境分三初通明邪人二明道門

增上慢者三明
僭聖增上慢者

有諸無智人

惡口罵詈等及加刀杖者

我等皆當忍

惡世中比丘

邪智心諂曲

未得謂為得

我慢心充滿

此兩行初通明邪人即俗眾也

次一行明道門即是增上慢未得謂得未證謂證者也

經云

未得謂為

訓是

得

○三

明

僭

聖

增上慢

或有阿練若

納衣在空閑

自謂行真道

輕賤人聞者
貪著利養故
與白衣說法
為世所恭敬
如六通羅漢
是人懷惡心
常念世俗事
假名阿練若
好出我等過
而作如是言
此諸比丘等
為貪利養故

說外道論義
自作此經典
誑惑世間人
為求名聞故
分別於是經
常在大眾中
欲毀我等故
向國王大臣
婆羅門居士
及餘比丘眾
誹謗說我惡
謂是邪見人

說外道論義

已上七行明僭聖增上慢也中阿舍
經云阿蘭若者此翻寂靜處或云無

諍頭陀抖音擻

音擻寶雲經第五云阿練兒處記云阿

無也蘭若名諍經云阿蘭若者不與世諍不近不遠

便於乞食有樹陰多華果足淨水無難呼去事不險阻

易登陟獨無侶誦所聞云云有王臣長者等來尋詣之

應呼平作是言善來善來若至住處應喚令坐彼若不

坐勿獨自坐若不就鄙座應種種安慰為其說法若

不樂呼去廣說應

呼略為說等若不爾者非蘭若行凡

居蘭若為調煩惱或自舉蔑他非無諍行未知端拱

意在何之輕倨師友傲慢王臣况無識者謂聖使

有眼者寒心羅云之行永乖空生之德安在但由心

無內實專以身營外虛篤論其道諸無可取十住婆

沙論明蘭若比丘乃至具五十法方堪止住至若十

二頭陀各具十法不然且尋師訪道何遽守愚

為訓去呼世所恭敬為貪利養故訓去呼○三示著衣意

我等敬佛故 悉忍是諸惡 為斯所輕言
汝等皆是佛 如此輕慢言 皆當忍受之
濁劫惡世中 多有諸恐怖 惡鬼入其身
罵詈毀辱我 我等敬信佛 當著忍辱鎧
為說是經故 忍此諸難事 我不愛身命
但惜無上道 我等於來世 護持佛所囑
世尊自當知 濁世惡比丘 不知佛方便
隨宜所說法 惡口而鬪蹙 數數見擯出

遠離於塔寺

如是等眾惡

念佛告勅故

皆當忍是事

此七行明著衣意者如法師品中三軌弘經以柔和忍辱而為衣者即其

意耳方今末世法弱魔強其欲宣傳此道譏毀百出攘臂切齒默施坑穽不容其生先聖懸鑑於今冥符智者宜悉直須被忍辱鎧安心不動如須彌山令魔偃戈以期波勝者也故下文云住忍辱地柔和善順

若人惡罵口則閉塞遊行無畏如師子王皆其證也

經云當著張略忍辱鎧苦甲也必擯忍逐也去為訓說呼是

經故為訓呼被斯所輕言已上總明初被忍衣弘

經畢○二入室弘經三坐座弘經四總結請知

諸聚落城邑

其有求法者

我皆到其所

說佛所囑法

我是世尊使

處眾無所畏

我當善說法 願佛安隱住 我於世尊前

諸來十方佛 發如是誓言 佛自知我心

此三行各一意初明入室者即是慈悲爲室隨緣赴
感拔苦與樂故云我皆到其所也次云處吐衆無所
畏即是法空爲座耳三結
請如文已上總釋持品畢

西山地藏院

注妙法蓮華經卷第十二

110X
28
1